



special-di-Siman

**Cu cada compra di un
 Large Pizza y un Coke di 2 Liter
 Escohe entre:
 Breadstick of Cinnastix of Cheese Bread**

Gratis.



For hot and wow call Now! Palm Beach, 860333 - Savaneta, 840444 - Tanki Leendert, 820333

Nificacion real di e poesia di Philomena Wong

ORANJESTAD - Hopi persona no a compronde e poesia ofreci n'e Pareha Real y Pueblo di Aruba den e manifestacion cultural diamars ultimo, pesei nos a bai en busca pa haya un tiki mas splicacion pa aclarea hopi duda.

Loke e publico no tabatin den nan man tabata e "programma boekje" bunita cu a keda presenta n'e invitadonan y n'e Pareha Real. Den esaki ta splica cu e poesia ta inspira riba e problematica nacional y internacional di "placa". Asina vocero di gobierno, Ruben

Trappenberg a duna di conoce den un comunicado di prensa den fin di siman.

Philomena Wong ta personifica placa y cu esaki ta ilustra e deseo incesante di hopi di tin mas y mas placa, y cu esaki consecuentemente mas sed pa poder y e trastorno mental cu esaki ta trece pa hopi cu e hamber pa placa.

Contrario na algun cu a pensa cu e poesia aki ta pa tira palabra p'e gobierno actual, e realidad ta cu e poesia aki a keda componi entre october '97 pa juni '98 y e tempo ei nos ta

corda e problemanan nacional rond di e "racetrack, etc", e gritonan di "corupcion" y politiconan cu ta enrikece nan mes cu placa di pueblo, preocupacionnan cu e tempo ei tabata biba den nos comunidad y kisas ainda tei.

Segun Ruben Trappenberg, ora papia di "satanas" ta referi n'e hecho cu hopi hende a haci "placa" nan Dios. Ora papia di e "djente di oro" ta referi na wega di placa entre otro den casinonan. Esaki ta djis algun ehempel di e "metafora" cu a keda presenta den henter e obra.

Philomena Wong a yega di presenta e poesia aki caba na nos Biblioteca Nacional pues e no ta nada nobo.

Ta usa repeticion y forza den stem pa pone enfasis den interpretacion y cu e sonido di e drum ta crea e ilustracion di hende completamente dominador di placa, den su personificacion.

Philomena Wong ta pidi pa nos no djis tende e poesia ritmico aki, sino scuche! Nos tur mester di placa pa biba, pero no laga e bira e punto central di bo bida.

E Pareha Real tabatin e informacion aki hunto cu nan y

nan a compronde, Maxima particularmente a expresa n'e comicion organisador cu el a guste; e Prinses no ta blind ni kens y e sa loke ta pasando rond mundo pa motibodi "placa" y en especial na su pais di origen Argentina.

Awor cu bo sa e nificacion real di e poesia, habri bo mente pa un pensamiento y forma di expresion nobo, un poesia cu a pone nos papia, pero en realidad e mester a pone nos "pensa", segun vocero di gobierno, Ruben Trappenberg.

"Placa, placa, placa" scuche di nobo!